





尚明目錄入集部詩文評類

碧溪詩話卷第一



宋



黃徹

常明

著

永清朱氏珍藏
金石經籍書畫記

漢高祖置酒沛宮酒酣擊筑自歌曰大風起兮雲飛揚威加海內予歸故鄉安得猛士予守四方時帝有天下已十三年當思者艾賢德與共維持獨專意猛士何哉豈馬上三尺嫚罵餘態未易遽革耶治道終以霸權蓋有由然其前年下詔曰賢大夫吾能尊顯之是年下詔曰與天下之豪士賢大夫同安輯之竊謂播告之詞乃秉筆代言非若耳熱之歌乃中心所欲也

唐文宗夏日聯句東坡謂宋玉對楚王雄風譏其知
已不知人也公權小子有美而無規為續之云一為
居所移苦樂永相忘願言均所施清陰及四方或為
五弦之薰解愠阜財已有陳善責難意愚謂不然凡
規諫之辭須切直分明乃可以感悟人主故盜言孔
甘良藥苦口若以薰風自南為陳善閉邪但恐後世
導諛側媚說持兩可者皆得以冒敢諫之名矣
諸史列傳首尾一律惟左氏傳春秋則不然千變萬
化有一人而稱目至數次異者族氏名字爵邑號謚
皆密布其中而寓諸褒貶此史家祖也觀少陵詩疑
隱此白若云杜陵有布衣杜曲幸有桑麻田杜子將
北征臣甫憤所切甫也東西南北人有客有客字子
美蓋自見其里居名字也不作河西尉白頭拾遺徒
步歸備員竊補衮凡才汚省郎補官遷陟歷：可考
至叙他人亦然如云粲：元道州又云結也實國幹
凡例森然誠春秋之法也
老杜送嚴武云公若登台輔臨危莫愛身寄裴道州
蘇侍御云致君堯舜付公等早據要路思捐軀此公
素所蓄積而未及施設者故樂以告人耳夫全軀碌
碌之人果何能為汲長孺曰天子置公卿寧令從諛

承意縱愛身奈辱朝廷何任選曰褚彥回保妻子愛性命選能制之觀此以驗二詩信而有徵矣自比稷契豈為過哉岑侍御行軍詩云平生抱忠義不敢私微軀范文正云一入諫諍司鴻毛忽其身

孟子七篇論君與民者居半其餘欲得君蓋以安民也觀杜陵窮年夏黎元嘆息腸內熱胡為將暮年憂世心力弱宿花石戍云誰能叩君門下令減征賦寄柏學士云幾時高議排君門各使蒼生有環堵寧令吾廬獨破受凍死亦足而志在大庇天下寒士其心廣大異夫求穴之螻蟻輩其得孟子所存矣東坡問

老杜何如人或言是司馬遷但能名其詩耳愚謂老杜似孟子蓋原其心也

劍閣云吾將罪真宰意欲鏟疊嶂與太白槌碎黃鶴樓剗却君山好語亦何異然劍閣詩意在削平僭竊尊崇王室凜々有忠義氣槌碎剗却之語但覺一味麗豪耳故昔人論文字以意為上

岑參寄杜拾遺云聖朝無闕事自覺諫書希退之贈崔補闕云年少得途未要忙時清諫疏尤宜罕皆謬承荀卿有聽從無諫諍之語遂使阿諛奸佞用以藉口以是知凡造意立言不可不預為天下來世慮

石筍行云惜哉俗態好豪蔽亦如小臣媚至尊小臣
非小官也凡事君不以道雖官尊位崇不害為小臣
耳下云政化錯逆失大體坐看傾危受厚恩此非官
小者所當也但乍讀者則小臣之語似不指公卿耳
末云安得壯士擲天外使人不疑見本根豈非渾敦
窮竒投諸四裔使天下如一同心戴舜者歟
李義山任洪農尉嘗投詩揭告云却羨卞和雙刖足
一生無復沒階趨雖為樂春罪人然用事出人意表
尤有餘味英俊屈沉強顏低意趨跖諾虎扼腕不平
之氣有甚於傷足者非麓知直已不甘心於病畦下
舐不能賞此語之工也

張舍人遺織成褥段云服飾定尊卑大哉萬古程煌
煌珠宮物寢處禍所嬰錦鯨卷還客始覺心和平其
意在明分守警貪饕屏斥玩物嚴道義之大節豈直
專為詩哉就中和平之語尤可人意世有豪橫凶人
強委饋於善士而不能驟絕之其心媿耻雖欲和平
不可得也

子美世號詩史觀北征詩云皇帝二載秋閏八月初
吉送李校書云乾元元年春萬姓始安宅又戲友二
詩元年建巳月即有焦校書元年建巳月官有王司

直史筆森嚴未易及也

賈生終童欲輕事征伐大抵少年躁銳使綿歷老成當不如此昔人欲沉孫武於五湖斬白起於長平誠有謂哉當憂老杜云慎勿吞青海無勞問越裳大君先息戰歸馬華山陽又有安得壯士挽天河淨洗甲兵長不用安得務農息戰鬪普天無吏橫索錢顏戒兵猶火恩加四海深不眠憂戰伐無力正乾坤其愁嘆憂戚蓋以人主生靈為念孟子以善言陳戰為大罪我戰必克為民賊仁人之心易地皆然

昌黎贈張道士云詣闕三上書臣非黃冠師臣有膽與氣不忍死茆茨韋應物送李山人云聖朝多遺逸披膽謁至尊豈是賀榮寵誓將救元、聖俞贈師魯云臣豈為身謀而邀陛下睞皆急於得君非為利祿計也

一朝自罪已萬里車書通此與無逸旅獒孟子格君心之非汲長孺諫上多欲魏鄭公十漸陸宣公之奉天詔書無二道也明朝有封事數問夜如何此幸而得之坐以待旦之意避人焚諫草騎馬欲雞棲所謂嘉謀嘉猷入告而后於內乃順之於外曰斯謀斯猷惟我后之德也

霄漢瞻佳士泥塗任此身只任字即人不到一處自
衆人必曰嘆曰媿獨無心甚之所謂視如浮雲不易
其介者也繼云秋天正搖落回首大江濱大江知並觀
傲睨天地汪、萬頃奚足云哉

温公治第洛中闢園曰獨樂其心憂樂未始不在天
下也其自作記有云世有人肯同此樂必再拜以獻
之矣東坡賦詩云兒童誦君實走卒知司馬蓋言其
得人心也又云撫掌笑先生年來效瘖瘂疑未盡命
名之意

臨川送望之守臨江云黃雀有頭顱長行萬里餘想
曰君出守暫得免苞苴使能行之言則虐生類以飽
口腹刻疲民以肥權勢者寡矣其詩終二十字耳敦
仁愛抑奔競皆具焉何以多為

萬方頻送喜無乃聖躬勞雖云稱賀收復抑又蘊深
意元首無為乃分位固然其所以遽離廟社遠播蒙
塵者諂諛之臣實為禍階耳噫諛言諂詐日陳乎前
黃屋雖欲不勞不可得也

温公題趙舍人庵云清茶澹語難逢友濁酒狂歌易
得朋雖造次間語亦在於直諒之益而退便辟之損
也

碧溪詩話卷第一

碧溪詩話卷第二

宋黃徹

常明撰

老杜贈韋左丞有朝叩富兒門暮隨肥馬塵至為殘
杯冷炙之語及姜少府為清觴異味即云新歡便飽
姜侯德王倚為沽酒割鮮即云古人情義晚誰似豈
附炎老饕如是哉蓋託文字戲謔也然必不可不慮
故有徧性合幽棲干請傷直耻事干謁以自見其志
亦如示姪佐云甚聞霜薤白重惠意如何已應春得
細頗覺寄來遲皆戲言也終慮癡人以夢為實故示
徑濟云所來為宗族亦不為盤飧小人利口實薄俗
難可論正如淵明乞食篇云飢來驅我去不知竟何

之行：至斯里叩門拙言辭其卑污乃爾不肯為五斗折腰殆無異矣

世俗誇太白賜牀調羹為榮力士脫靴為勇愚觀唐宗渠：於白豈直樂道下賢者哉其意急得豔詞媒語以悅婦人耳白之論撰亦不過為玉樓金殿鴛鴦翡翠等語社稷蒼生何賴就使滑稽傲世然東方生不忘納諫况黃屋既為之屈乎說者以謀謨潛密歷攷全集愛民憂國之心如子美語一何鮮也力士閨闈腐庸惟恐不當人主意挾主勢驅之何所不可脫靴乃其職也自退之為虬蟬憾大木之喻遂使後學

中時病凡世之趨附權勢以圖身利者豈問其人賢否果能為國為民哉及其敗也相推入禍門而已聾俗無知諂祭非鬼無異也

杜集及馬與鷹甚多亦屢用屬對如老驥倦知道蒼鷹飢着人驥病思偏秣鷹愁怕苦籠放蹄知志驥糧翅服蒼鷹老驥倦驤首飢鷹愁易駟馬行云吾聞良驥老始成此馬數年人吏驚又不比俗馬空多肉一洗萬古凡馬空楊監出畫鷹云干戈少暇日真骨老崖嶂為君除狡兔會見番鞮上王兵馬六角鷹云安得爾輩皆其群驅出六合泉鸞分畫鷹云何當擊凡

鳥毛血洒平蕪餘尚多有之蓋其志遠壯心未甘伏
櫪嫉惡剛腸尤思排擊語曰驥不稱其力稱其德也
左氏曰見無禮於其君者如鷹鷂之逐烏雀也少陵
有焉

吳邁遠好自誇而蚩鄙他人每作詩得稱意語輒擲
地呼曰曹子建何足數哉袁嘏謂人曰我詩有生氣
亦以用心深苦攸爾有得宜不勝其喜子美云語不
驚人死不休貫休謂得句先呈佛皆為此也

林和靖贈人詩云馬從同事借妻怕罷官貧破能然
寒廉態抑又有意所謂怕貧者嬾人女子耳士大夫

之不移何隕穫之有子美長貧任嬾愁亦以男子未
嘗愁也讓粟不謀妻以明謀及嬾人不得辭也又云
浮生有定分飢飽豈可逃嘆息謂妻子我何隨汝曹
樂天云妻孥不悅生怪問而我醉卧方陶然退之曰
莫為兒女態戚嗟憂賤貧

老杜畏人有云門徑從榛草無心待馬蹄又直須上
番看成竹客至從嗔不出迎將遺物離人矣荅嚴十
乃云只須伐竹開荒徑拄杖看花聽馬蹄又有草萊
無徑欲教鋤亦如厭就成都卜而云憑將百錢卜漂
泊問君平自智觀之則為游戲篇章得大自在俗士

拘泥則前後不相應也東坡谷林堂云古今正是同
歲月何必書游香積山又云尋幽志不繼書版記歲
月

蕭思話先於曲阿起宅有閒曠之致于惠基嘗謂所
親曰須婚嫁畢當歸老田廬故元次山招陶別駕云
無惑畢婚嫁竟為俗務牽退之云如今便可適何用
畢婚嫁

嘗恨王子猷作此君語輕以難名著告人遂使庸夫
俗子忘意其間酤坊茗肆適以污累之謫仙云但得
醉中趣勿為醒者傳此理信然和靖招霽皎云百千

幽勝無人見說向吾師是淺機

東坡此味只憂兒輩覺逢人休道北牕涼人生此樂
須天賦莫遣兒曹取次知使子猷知此必鉗其喙也
和靖與士大夫詩未嘗不及遷擢與舉子詩未嘗不
言登第視此為何等隨緣應接不為苟難亢絕如此
老杜云本無軒冕意不是傲當時鐘鼎山林各天性
濁醪麤飯任吾年道義重而不輕王公者也阮孝緒
南平王致書安之不赴白非志驕富貴但性畏廟廊
使麀麇可駭何異驥騄

霽徹有相逢盡道休官去林下何曾見一人世傳為

口實允語有及抽簪即以此譏之余謂矯飾罔人固
不足論若出于志識時對知己一吐心胸何害常觀
昌黎送盤谷云行抽手版付丞相不待彈劾歸農桑
贈侯喜使當提携妻與子南入箕穎無還時如今便
當去咄々無自癡如今更誰恨可使耕灞滻此類允
數十豈苟以飾口哉其剛勁之操不少屈何素守定
故也

昔人用五馬事多因遊遨動出處方用之如老杜賦
王閬州餞蕭遂州云二天開寵餞五馬爛生光其賓
主去住分矣又送李梓州五馬何時到贈嚴武五馬

舊曾諳小徑送賈閣老出汝州人生五馬貴太白五
馬莫留連岑參門外不須催五馬戎昱五馬幾時朝
魏闕子厚五馬助征駉樂天五馬無由入酒家坡鼓
吹未容迎五馬此理恐未安也

王夷甫蔡景節並號口不言錢二子皆因弊矯之者
衍以其妻貪恠贖貨至藉俠士李陽以慰之樽在臨
海其婢納女巫之賂為百姓搗登聞鼓其絕口蓋有
由然如子美張藉皆云呼兒散寫乞錢書太白顏公
三十萬盡赴酒家錢岑參聞時耐相訪正有林頭錢
小杜清貧長欠一杯錢坡滿江風月不論錢谷青山

好去坐無錢曾不害諸公之高也

或問鄭縈相國近有詩否荅云詩思在灞橋風雪中
驢子上此處那得之北夢瑣言載縈雖有詩名本無
廊廟之望及登庸中外驚駭太原兵至渭北天子震
恐渴於攘却縈請於文宣王謚中加一哲字其不究
時病率此類愚謂此人止可置之風雪中作詩也

明宗召蜀中舊臣賦蜀主降巨唐詩王偕等皆譏荒
淫獨中丞牛希濟曰唐主再懸新日月蜀王難保舊
山川明宗曰希濟不謗君親忠孝也賜綵百段余謂
希濟但兩解之辭而已江革云不能殺身報主得死

為幸誓不為人執筆此可以厲臣子之節

韋蘇州贈李儋云身多疾病思田里邑有流亡媿俸
錢郡中燕集云自慚居處崇未覩在民康余謂有官
君子當切一作此語彼有一意供祖專事土木而視
民如讐者得無媿此詩乎

漁樵閒話載唐末有宜春人王穀以歌詩擅名常作
玉樹曲畧云璧月夜瓊樓春連舌冷詞調新當時
狎客盡豐祿直隸犯顏無一人歌未闋晉王劍上粘
腥血君臣猶在醉鄉中一面已無陳日月此調大播
人口穀未第時常於市廛中見有同人被無賴輩毆

擊輟前捄之揚聲曰莫無禮便是解道君臣猶在醉
鄉中一面已無陳日月亡賴者聞之慚謝而退蓋譏
當時士大夫掩蔽人善殆此小人不若余謂漁樵
特假以自喻耳亡賴所以悔過從善頓平凶暴之氣
者非重其才也非重其名也蓋重其言有補於治亂
安危也

碧溪詩話卷第二

碧溪詩話卷第三

宋 黃徹

常明 著

老杜觀打魚云設網萬魚急蓋指聚斂之臣苛法侵
漁使民不聊生乃萬魚急也又云能者操舟疾若風
撐突波濤槌义入小人舞智趨時巧宦數遷所謂疾
若風也殘民以逞不顧傾覆所謂槌义入也日暮蛟
龍改窟穴山根鱸鮓隨雲雷魚不得其所龍豈能安
安居君與民猶是也此與六義比興何異吾徒何為
縱此樂暴殄天物聖所哀此樂而能戒又有仁厚意
亦如前王作網罟設法害生成不專為取魚也退之
義魚曰觀樂憶吾僚異此意矣亦如斬簞云但願天

日常炎赫

賓客集添爐擣雞舌灑水淨龍鬚駱賓王桃花嘶別
路竹葉瀉離尊此體甚衆惟柳子厚從崔中丞過盧
少府郊居一聯最工云蒔藥閒庭延國老開尊虛室
對賢人只似稱坐客而有兩意蓋甘草為國老濁酒
為賢人故也夢得又有藥爐燒姹女酒甕貯賢人近
於湯燖右軍矣余嘗為郊行詩云江干食息呼扶老
木末攀緣訝宛童乃古今註禿鷲一名扶老爾雅女
蘿謂之宛童也又題一士人所居云但遣一枝居巧
婦不殊大厦賀嘉賓蓋用爾雅註鶴鶴俗名巧婦灸

子雀一名嘉賓言集人屋如嘉賓也樂天曾用巧嬾
對慈姑

謝元暉善為詩任彥昇工於筆又云任筆沈詩劉孝
緯稱弟儀與威云三筆云詩故牧之云杜詩韓筆愁
來讀似倩麻姑癢處抓邇人兼用之臨川云閒中用
意歸詩筆靜裏安身比泰山坡云水洗禪心都眼淨
山供詩筆總眉愁

柳遷南荒有云愁向公庭問重譯欲投章甫作文身
太白云我似鷓鴣鳥南遷懶北飛皆褊伎躁辭非猷
畝倦之義杜云馮唐雖晚達終覲在皇都愁來有

江水安得北之朝其賦張曲江云歸老守故林戀闕
情延頸乃心王室可知

靖節歡言醉春酒日暮天無雲此處畎畝而樂堯舜
者也堯舜之道即田夫野人所共樂者惟賢者知之
爾鍾嶸但稱其風華清美豈直為田家語其樂而知
之異乎眾人共由者嶸不識也

老杜十暑岷山葛三霜楚戶碓九鑽巴噀火三蟄楚
祠雷其書歲月也新矣樂天云吳郡兩回逢九月越
州四度見重陽去年八月十五夜曲江池畔杏園邊
今年八月十五夜湓浦沙頭水館前又前年九日餘

杭郡呼賓命宴虛白堂去年九日到東洛今年九日
來吳鄉兩邊鬢髮一時白三處菊花同色黃其質直
叙事又是一格

山陰野雪興難乘佳晨強飯食猶寒皆翰翰旋其語使
就音律近集有天上驕雲未肯同十年江海別常輕
花下壺盧鳥勸提與君蓋亦不須傾皆此法也

昌黎送劉師服云携持令名歸自足貽家尊蘇州送
黎尉云祇應傳善政朝夕慰高堂誠儒者迂濶之辭
然貪饗苟得污累其親孰若清白之為愈

舊說賈島詩如鳥從井口出人自岳陽來貫休此夜

一輪滿清光何處無皆經年方得偶句以見其辭澁
意苦若非好事者誇辭亦謬用其心矣
杜夜宴左氏莊云檢書燒燭短燭正不宜觀書檢閱
時暫可也退之短檠二尺便且尤可謂燈窓中人語
猶有未便燈不籠則損目不宜勤且久山谷夜堂朱
墨小燈籠可謂善矣而處堂非夜久所宜子瞻云推
門入室書縱橫蠟紙燈籠晃雲母慣親燈火儒生酸
態盡矣

韋應物贈李侍御云心同野鶴與塵遠詩似冰壺徹
底清又雜言送人云冰壺見底未為清少年如玉有

詩名此可謂用事之法蓋不拘故常也

子厚曉行云機心久已忘何事驚麋鹿又放鷓鴣詞
云破籠展翅當遠去同類相呼莫相顧惜乎知之不
蚤爾

柳讀書篇云瘴疴擾霧府日與往昔殊臨文作了
徹卷兀若無蓋嘗答許京兆書云往時讀書不至底
滯今每讀一傳再三伸卷復觀姓氏在宗元則為瘴
疴所擾他人乃公患也

夢得送周使君云口恐鳴騶催上道不容待得晚菘
嘗乃周彥倫答文意太子問山中菜食云春初早韭

秋末晚菘此以兩字用事者送熊判官云臨軒吳郡
章得人方付此乃用漢高美印睨堯事此一字用事
者

鍾嶸稱張茂光惜其兒女情多風雲氣少喻鳧嘗謁
杜紫微不遇乃曰我詩無綺羅鉛粉宜不售也淮海
詩亦然人戲謂可入小石調然率多美句但綺麗大
勝爾子美並蒂芙蓉本自雙水荇牽風翠帶長退之
金釵半醉坐添春牧之春風十里揚州路誰謂不可
入黃鍾宮也

張文潛去雲懷無咎云獨覺欠此公或傳其生語文
潛自以欠字為得意然夢得送皇甫云從茲洛陽杜
吟詠欠書生樂天可憐閒氣味惟欠與君同得君更
有無厭意猶恨尊前欠老劉退之云今者誠自幸所
懷無一欠張何得意之有

舉人過失難于當其尤者臧孫之犯門斬關惟孟椒
能數之臧紇謂國有人焉必椒也其難如此司馬相
如竊妻滌器開元巴蜀以困苦鄉邦其過已多至為
封禪書則諂諛蓋天性不復自新矣子美猶云竟無
宣室召徒有茂陵求李白亦云果得相如草仍餘封
禪文和靖獨不然曰茂陵他日求遺藁尤喜曾無封

禪書言雖不迫責之深矣李商隱云相如解草長門
賦却用文君取酒金亦舍其大論其細也舉其大者
自西湖始其後有譏其諂諛之態死而未已正如捕
逐寇盜先為有力者所獲搯其吭而騎其項矣餘人
從旁助捶縛耳

太白辭粟卧首陽屢空饑顏回當代不飲酒虛名安
任哉君不見梁王池上月昔照梁王尊中湏梁王已
去明月在黃鶴怨解啼春風分明感謝眼前事莫恤
醉卧桃李園東又平原君安在科斗生古池坐客三
千人而今知有誰君不見孔北海英風豪氣今安在
君不見裴尚書土墳三尺蒿藜居此類者尚多愚謂
雖累千萬篇只是此意非如少陵傷風憂國感時觸
景忠誠激切蓄意深遠各有所當也子美除草云草
有害於人曾何生阻修並刺在我恨焉能待高秋其
憤邪嫉惡欲芟夷蘊崇之以肅清王所者懷抱可見
臨川有勿去草：無惡若比世俗：浮薄此方外之
語異乎農夫之務去者也

游山寺云雖有古殿存世尊亦蒙塵山僧衣藍縷告
訴梁棟摧本即所賦事自然及於乘輿蒙塵肱股非
材之意豈非忠義所感一飯不忘君耶

碧溪詩話卷第三

碧溪詩話卷第四

宋黃徹

常明著

扁舟空老去無補聖明朝又云報至身已老以稷契
輦人而使老棄閒曠非惟不形怨望且倦如此彼
遭時遇主言聽計從復幸年髮未暮而不能據誠戮
力以圖報効良不媿此歟

杜詩四韻并絕句味之皆覺字多以字不閑故也
他人雖長篇若無可讀正如賢人君子並處朝廷但
得一二相助已號得人若不能為有無者縱千百輦
蔑如也寄題江外草堂云誅茅初一畝廣地方連延
經營上元始斷手寶應年敢謀土木麗自覺面勢堅

又題衡山縣學堂云旄頭彗紫微無復俎豆事嗚呼
已十年儒服敝於地衡山雖小邑首倡恢大義講堂
非曩造大屋加塗墍可下容萬人墻隅亦深邃林木
在庭戶密幹疊清翠有井朱夏時輾轡凍階屺來詩
倦跋涉載筆尚可記豈不是草堂縣學記
寄李員外云遠行無自苦內熱比如何寄旻云舊來
好事今能否老去新詩誰與傳岑參云喬生作尉別
來久因君為問平生否魏侯校理復如何前月人來
不得書夫子素多疾別來未得書北庭苦寒地體內
今何如樂天寄夢得云病後能吟否秋來曾醉無退
之贈立之云長女當及事誰後出螭縮諸男皆秀朗
幾能守家規亦皆書一通也

舊觀臨川集肯顧北山如琴約與公西崦斲蒼苔常
愛其斲字寂有力後讀杜集當為斲青冥藥許隣人
斲退之詩翁憔悴斲荒棘穿豁斲株檠子厚戒徒斲
雲根雖一字法不無所本

杜尋范十隱居云侍立小童清義山憶正一云烟爐
消盡寒燈晦童子開門雪滿松子厚日午獨覺無餘
聲山童隔竹敲茶臼秀老云夜深童子喚不起猛虎
一聲山月高聞棄山間累年頗得此數詩氣味

古人作詩有用經傳全句選詩云小人計其功君子道其常樂天疾苦若巷伯好賢如緇衣乃兩句渾用之韓無妄之憂勿藥喜杜誰謂荼苦甘如薺富貴于我如浮雲近人亦用史語坡云人言盧杞似姦邪我見鄭公但嫵媚常觀南史載王宜興云為劫不須伴甚似一側韻五言但無題目耳

律詩有一對通用一事者更尋嘉樹傳莫忘角弓詩乃左傳韓宣子聘魯嘗賦角弓及譽嘉樹魯人請封殖比樹以無忘角弓介甫久諳郭璞言多驗老比顏含意更踈乃景純欲為顏含筮含曰年在天位在人脩已而天不與命也守道不回性也人自有性命無勞著龜

坡云通家不隔同年面得路方知異日心乃唐人責同年不赴期集辭云紫陌尋春尚隔同年之面青雲得路可知異日之心也

任昉別謝言揚詩云詎念羞嗟人方深老夫托報劉孝綽曰詎慰羞嗟人徒深老夫託畧改一兩字豈以會意處欲常用之耶

臨川有莫搖落獻南山又云本落岡巒因自獻如云名譽子真矜谷口事功新息困壺頭又未愛京師傳

谷口但知鄉里勝壺頭昔人行事措意默與已合則喜用之馬少游欲乘下澤御款段不去鄉里雖自謀獨善亦可為貪躁之戒伏波在浪泊下潦上霧仰視飛鳶點：墮水中卧念少游平生時語以為何可復得故東坡云何須更待飛鳶墮方念平生馬少游以其可喜不直押韻也

武帝見顏驕龐眉皓首問何時為郎何其老也對曰文帝好文而臣好武景帝好老而臣尚少陛下好少而臣老矣老於為郎此事尤著竊怪老杜屢傷為郎白首每稱馮唐而罕及驕愚謂驕生既不過三君身

後復不遇老杜可笑也

老杜塗窮反遭俗眼白本用阮籍事意謂我輩本宜以白眼視俗人至小人得志嫉視君子是反遭其眼白故倒用之亦如水清反多魚乃倒用水至清則無魚也夢得酌我莫憂狂老來無逸氣乃倒用蓋次翁無多酌我寄謝稽中散予無甚不堪倒用絕交論坡云後生可畏吾衰矣刀筆從來錯料堯周昌以趙堯刀筆後果無能為所料信不錯而云錯料堯亦以涉譏謗倒用爾又有窮鬼却須呼乃知飯後鐘閣黎蓋具眼他年五君詠山王一時數皆倒用也

世傳五月十三日為竹迷日凡種竹多以五月杜云
東林竹影薄臘月更須栽則唐人種竹用季冬月也
又云平生憇息地必種數竿竹常欲闢小軒以必種
目之

前輩戲語以郊外呵喝月下燭籠皆謂之殺風景介
甫戲示穎叔云但恠傳呼殺風景豈非禪客夜相投
蓋用此也

唐諺云槐花黃舉子忙東坡有強隨舉子踏槐花槐
花還似昔年忙荅云槐催舉子踏花黃是也

坡有試問高吟三十首何如低唱兩三杯又譬如長
鬣人不以長為苦歸來被上下一夜着無處天覺直
讚云書生大抵多窮相金眼除非是党公皆笑林語
也杜云嗜酒狂嫌阮知非晚笑蘧近集有素書款
誰憐杜來筆通：獨勝江榻伴烟花常嘆杜海中童
非尚追徐河魚潰腹空號楚汗足流駁始信吳皆用
此格爾叔堪笑區：郊與島螢飛露濕吟秋草以為
二子之窮然子美亦有暗飛螢自照水宿鳥相呼幸
因腐草出敢近太陽飛雖吟詠微物曾無一點窮氣
孟郊詩最澹且古坡謂有如食彭越竟日嚼空螯退
之論數子乃以張籍學古澹東野為天葩吐奇芬豈

勉所長而諱所短，抑亦東野古澹自足，不待學耶？
用自己詩為故事，須作詩多者，乃有之。太白云：滄浪
吾有曲，相子棹歌聲。樂天須知菊酒登高位，經此多
無二十場。明年云：去秋共數登高位，又被今年減一
場。過栗里云：昔嘗詠遺風，著為十六篇。蓋居渭上醞
熟，獨飲曾效淵明體，為十六篇。又贈微之云：昔我十
年前，曾與君相識。曾將秋竹竿，比君孤且直。蓋舊詩
云：有節秋竹竿也。坡赴黃州，過春風嶺，有兩絕句。後
詩云：去年今日關山路，細雨梅花正斷魂。至海外又
云：春風嶺下淮南村，黃州梅花曾斷魂。又云：柯丘海

棠，吾有詩，獨笑深林敢侮。

又畫竹云：吾詩固云爾。

可使食無肉。

謁帝似馮唐，垂白馮唐雖晚達。馮唐毛髮白，又長鄉
多病久，我多長鄉病。渴污官位，杜以其為郎，故用
之。若他人老與病者，恐不可槩使。

臨川蕭：出屋千尋玉，靄：當牕一炷雲，皆不名其
物。然子厚破額山前碧玉流，已有此格。近詩：蕨芽已
作小兒拳，退之已有初拳。我枝蕨。

老杜復見諸山，得銀甕，舊註引禮記山出器車，註蓋
瑞應圖。白王者，讌不及醉，刑罰中人，不為非，則銀甕

出也昌黎我有雙飲醖其銀得朱提見漢志朱提錄
入兩為一流注朱提屬犍為乃邑名也

舊說賈浪仙抒思僧敲月下門或引手作推勢遂衝
戶節世傳為美談舊於太學得江御史詩一軸有督
人和詩云直饒公輔經時序若是推敲搃可刪以是
知雷同相從非善學也

碧溪詩話卷第四

